



ORDENSREGLEMENT

FOR

OGNA SKULE

Innholdsliste:

1	INNLEIING	3
1.1	HEIMEL	3
1.2	FORMÅL	3
1.3	VIRKEOMRÅDE	3
2	REGLAR OG SANKSJONAR	3
2.1	REGLAR OM ORDEN OG ÅTFERD	3
2.2	TILTAK VED BROTT PÅ ORDENSREGLEMENTET	4
2.2.1	<i>Moglege sanksjonar</i>	<i>5</i>
2.2.2	<i>Nærare om konkrete brott og/eller sanksjonar</i>	<i>5</i>
2.3	POLITIANMELDelse OG STRAFFBARE FORHOLD	7
2.4	UNDERSØKING	7
2.5	NØDVERGE	8
2.6	ERSTATNING	8
3	SAKSHANDSAMINGSREGLAR VED SANKSJONAR	8
4	PROSEDYRAR FOR VEDLIKEHALD OG OPPFØLGING AV RUTINAR	9
5	IVERKSETJING	9

1 INNLEIING

1.1 Heimel

Ordensreglementet er laga med heimel i lov av 17. juli 1998 om grunnskolen og den vidaregåande opplæringa (opplæringslova) § 9A-10.

1.2 Formål

Ogna skule skal pregast av konstruktivt og utviklande samarbeid mellom elevar, føresette og tilsette.

Ordensreglementet skal bidra til å fremje trivsel, respekt, samarbeid, forutsigbarheit og medansvar for å sikre og utvikle eit positivt og godt læringsmiljø på skulen. Ordensreglementet tek som utgangspunkt at alle elevane bidreg med sine ressursar til å nå målsetjinga om eit godt og trygt skulesamfunn for alle.

1.3 Virkeområde

Ordensreglementet inneheld reglar for både orden og åtfærd. Vidare inneheld det reglar for kva slags tiltak (sanksjonar) som skal brukast mot elevar som bryt reglementet, og sakshandsamingsreglar for korleis slike saker skal handsamast.

Skulen har ansvar for elevane i undervisning, under arrangement, på ekskursjonar m.m. der elevane er under skulen si leiing. Dette inneber at ordensreglementet gjeld i alle typar undervisningslokale, fellesrom og uteområde, på skuleveggen og når elevane har undervisning andre stader enn på skulen sitt område, til dømes i prosjekt, studieturar, overnattingsturar o.l. Dette inneber at ordensreglementet gjeld når skulen har ansvaret for elevane.

2 REGLAR OG SANKSJONAR

Skulen er ein læringsarena og arbeidsplass for barn, unge og vaksne. Alle har eit ansvar for korleis skulemiljøet er og utviklast. Det er difor viktig at både elevar, føresette og tilsette arbeider for å skape eit godt arbeids- og læringsmiljø.

Elevane skal følgje vanlege reglar i samfunnet og vise god folkeskikk. Som elev har ein difor både rettar og plikter som skal følgjast.

2.1 Reglar om orden og åtfærd

Ogna skule har som mål at alle barn, unge og vaksne skal oppleve eit godt og utviklande lærings- og skulemiljø. For å oppnå dette må blant anna desse reglane følgjast:

- Alle skal behandlast, og behandle andre, på ein ordentleg måte kor alle viser respekt og omsyn overfor kvarandre

- Ingen skal utsetjast, eller utsetje andre, for fysisk, psykisk og/eller verbal krenking
- Alle skal ha eit godt lærings- og skulemiljø der ein viser respekt for undervisninga
- Alle skal delta i undervisninga i den form ho er gitt, bidra til å halde arbeidsro i timane og følgje gjeldande reglar i prøve- og undervisningssituasjonar
- Alle skal møte presis til undervisning og andre avtalar, og gjere skulearbeid til avtalt tid
- Alle skal halde god orden, og bidra til å halde skulen sitt område reint og ryddig
- Alle skal få ha sine, og la andre sine eigedelar vere i fred
- Alle skal ta godt vare på sine personlege eigedelar (så langt det er mogleg bør du unngå å ta med verdisaker på skulen)
- Alle skal ta godt vare på skulen sine bygg, inventar, lærebøker, undervisningsmateriell og andre eigedelar slik at dei ikkje vert utsette for hærverk og unødig slitasje og forbruk
- Ingen skal vere i besittelse av ulovlege eller farlege gjenstandar
- Ingen skal vere rusa, bruke, oppbevare, omsetje eller vere i besittelse av tobakk, snus, alkohol, narkotika, eller andre rusmidlar på skulen sitt område eller arrangement
- Vi ønsker sunne matvanar. Difor tillet vi ikkje snop og brus på skulen
- På barnetrinnet er det ikkje lov å ha med mobiltelefon på skulen
- På ungdomstrinnet skal mobiltelefon samlast inn og setjast i dvalemodus i undervisningstida
- Sykkelparkering skjer ved tilviste plassar, og syklane skal vere parkerte i skuletida. Dette gjeld også elektrisk scooter og moped.
- Når ein oppheld seg i skulebygget, skal ytterklede og lue vere i garderoben
- Vi har ein fin omgangstone på skulen. Det er ikkje tillatt med banning og anna stygt snakk
- Snøballkasting er lov kun på tilvist område på kunstgrasbanen
- Elevane på barnetrinnet skal vere ute i friminutta
- Alle elevane skal halde seg på skulen sitt område i skuletida. Dette gjeld ikkje i undervisningsøkter der vaksne har ansvaret for til dømes ekskursjonar og turar

2.2 Tiltak ved brot på ordensreglementet

Alle sanksjonar skal vere slik at elevane skal forstå kva for reglar som er brotne og kvifor skulen må reagere på dette. Sanksjonane skal stå i rimeleg forhold til brotet på ordensreglane. Sanksjonane bør kome så nær regelbrotet i tid som mogleg. Dersom det er mogleg, skal eleven gis høve til å gjere opp for seg.

Brot på reglar som følgjer av lov eller reglement kan sanksjonerast etter reglane i dette kapitlet, dersom ikkje anna er særskilt nemnt.

Som hovudregel skal det bare illeggjast sanksjonar som følgjer av lov eller reglement. Viss særskilte grunner tilseier det, kan og andre sanksjonar av mindre inngripande art illeggjast. Ved brot på reglar som følgjer av skulen sitt eige ordensreglement, gjeld det same.

Elevane plikter å overhalde ilagte sanksjonar. Ved manglande overhalding kan det illeggjast nye sanksjonar.

2.2.1 Moglege sanksjonar

Ogna skule kan nytte følgjande sanksjonar mot brot på ordensreglementet:

- Munnleg irettesetjing/advarsel
- Skriftleg irettesetjing/advarsel
- Pålegg om oppgåver for å rette opp skade som er påført skulen sin eigedom eller eigedelar (rydde søppel, vaske golv, fjerne tagging o.l.)
- Erstatningsansvar
- Oppmøte på skulen før eller etter skuletid i samband med samtalar med lærar/rektor, og/eller utføring av pålagte oppgåver
- Inndraging av gjenstandar som vert brukte på ein farleg eller provoserande måte, og/eller andre gjenstandar som ikkje skal vere med på skulen. Inndratte gjenstandar kan tilbakeleverast til føresette (ulovlege gjenstandar vert levert til politiet)
- Bortvising frå klasse/gruppe for resten av timen eller dagen etter rektor si avgjerd
- Bortvising frå skulen i inntil 3 dagar etter rektor si avgjerd (gjeld 8.-10. trinn)
- Utelukking av enkeltelevar frå spesielle arrangement og aktivitetar
- Midlertidig eller permanent skulebytte
- Nedsett karakter i orden og åtfærd (gjeld 8.-10. trinn)
- Anmelde straffbare forhold

2.2.2 Nærare om konkrete brot og/eller sanksjonar

Mobbing og vald

Krenkjande atferd som blant anna mobbing, diskriminering, vald, eller truslar om vald, skal ikkje akseptrast på Ogna skule.

Ogna skule har ein eigen handlingsplan for eit trygt og godt skulemiljø.

Elevar som utøvar mobbing, vald, eller truar med vald, kan visast bort frå undervisninga/skulen. Lengda på bortvisinga vil avhenge av eleven sin alder og alvoret i situasjonen. Dersom eleven sin atferd ikkje vert endra etter at tiltak og sanksjonar er forsøkt gjennomført, kan skulebytte vurderast midlertidig eller permanent.

Medbringing av ulovlege/farlege gjenstandar

På skulen sitt område eller arrangement er det ikkje lov å ha med seg ulovlege gjenstandar, eller gjenstandar som kan nyttast til å utøve skade på seg sjølv eller andre.

Gjenstandane kan beslagleggjast av skulen. Ulovlege gjenstandar vert overlevert til politiet. Andre beslaglagde gjenstandar vert overlevert til eleven sine føresette etter skuletid.

Hærverk

Elevar som utøvar hærverk, kan påleggjast å rydde opp etter seg/utbetre skadar som er gjort når oppryddinga består i arbeid eleven har føresetnader for å klare, og arbeidet står i rimeleg forhold til brotet.

Ved hærverk vil eleven og/eller føresette kunne bli haldne erstatningsansvarlege. Det same gjeld ved tap eller øydelegging av datamaskin, skulebøker og anna utstyr. Eleven kan gis høve til å utbetre skadane sjølv der dette er hensiktsmessig.

Skulen skal reagere dersom elevar øydelegg andre elevar eller tilsette sine egedelar.

Ugyldig fråvær

Elevane har plikt til å møte presis til undervisninga og plikt til å delta i undervisninga i den forma ho er gitt. Ugyldig fråvær er brot på ordensreglementet og skal tilleggjast vekt når ordenskarakteren vert fastsett på 8.-10. trinn.

Dersom eleven er ulovleg borte frå skulen eller gjentekne gonger kjem for seint, skal føresette kontaktast for å få klarlagt årsaka til fråværet eller at eleven kjem for seint. Dei tiltaka som vert iverksett må sjåast i samanheng med årsaka og eventuelt hyppigheiten i forseintkominga.

Barn og unge har rett og plikt til grunnskuleopplæring. Når det er forsvarleg, kan rektor etter søknad gje den enkelte elev permisjon i inntil fem dagar. Ved søknad om lengre permisjonar, må søknaden rettast til etat for opplæring og kultur.

Fråværet for alle tre åra på ungdomstrinnet vil bli ført på avgangsvitnemålet.

Mobiltelefon

Mobiltelefonar skal som hovudregel vere samla inn og sett i dvale i undervisninga.

Dersom elevane bryt reglane for bruk av mobiltelefon, kan han beslagleggjast for resten av dagen. Ved gjentatte brot på reglane, kan han beslagleggjast og overleverast til føresette.

Internett

Skulen har nettvettreglar. Elevar som bryt desse eller reglar for bruk av datautstyr, kan stengast ute for bruk av skulen sitt datautstyr for ein periode.

Fusk

Dersom eleven har fuska i ein prøvesituasjon, vil prøven bli annullert. Elevane på ungdomstrinnet skal informerast om moglegheiten for ikkje å få terminkarakter.

For fusk eller forsøk på fusk på eksamen, vert det vist til eige eksamensreglement.

Rusmidlar, tobakk og snus

Det er ikkje tillatt å vere rusa, bruke, oppbevare, omsetje eller vere i besittelse av tobakk, snus, alkohol, narkotika, eller andre rusmidlar på skulen sitt område eller arrangement.

Skulen kan beslagleggje rusmidla eller tobakken. Tobakk og alkohol skal, dersom ønskjeleg, overlatast til eleven sine føresette. Ulovlege rusmiddel skal overlatast til politiet.

Vurdering i orden og åtferd (8.-10. trinn)

Reglar for vurdering i orden og åtferd er heimla i forskrift til opplæringslova §3-6.

Karakteren i orden og åtferd skal som hovudprinsipp setjast ned ved gjentekne brot på ein eller fleire reglar i skulen sitt ordensreglement.

I tillegg kan karakteren setjast ned ved spesielt grove brot på reglementet sjølv om det er snakk om enkelthendingar.

Dersom ein elev står i fare for å få nedsett karakter i orden eller åtferd, må eleven og dei føresette få skriftleg varsel. Varselet skal gis utan ugrunna opphald, slik at betre orden eller åtferd kan påverke karakteren.

2.3 Politianmeldelse og straffbare forhold

Dersom det føreligg mistanke om straffbare forhold, kan rektor be om politiet sin bistand. Eleven sine føresette skal, dersom det er mogleg, varslast munnleg samtidig som politiet vert beden om bistand. Føresette skal uansett varslast skriftleg om at det er søkt om politiet sin bistand.

Skade på skulen sin eigedom vil kunne bli politianmeldt. Straffbare forhold mot person vert som hovudregel anmeldt av den som er utsett for forholdet – den fornærma.

2.4 Undersøking

Ved skjellig grunn til mistanke om brot på reglar knytta til ulovlege/farlege gjenstandar eller rusmidlar og tobakk, kan skulen gjennomføre undersøking i skap og hyller som disponerast av elevane.

Ved skjellig grunn til mistanke om brot på reglar knytta til ulovlege/farlege gjenstandar eller rusmidlar og tobakk, kan skulen be eleven sine føresette om lov til å føreta kontroll av lommar i klede, sekker eller bagger. Dersom det er mogleg skal eleven sine føresette gis høve til å vere til stades ved ein eventuell kontroll.

2.5 Nødverje

Når det i heilt spesielle akutte situasjonar er fare for at ein elev kan skade seg sjølv, medelevarar eller skulen sin eigedom, har personalet plikt til å gripa inn. Straffeloven § 47 og § 48 om nødrett og nødverje gjev ei opning for at skulen sitt personale kan nytte fysisk makt til å stoppe elevar som slåss, hindre at eleven skadar seg sjølv eller andre, eller skulen sin eigedom, og til å verje seg mot elevar som opptre truande eller valdeleg. Når eit slikt tiltak vert sett i verk, skal ein straks melde frå til rektor og føresette.

2.6 Erstatning

I tillegg til å bli ilagt sanksjonar etter reglementet her, kan eleven bli erstatningsansvarleg etter erstatningsrettslege reglar. Foreldre/føresette kan bli erstatningsansvarlege for skade voldt forsettleg eller uaktsamt av deira barn med inntil kr 5000,- for kvar enkelt hending, jf. skadeserstatningslova §1-2.

3 SAKSHANDSAMINGSREGLAR VED SANKSJONAR

Handsaming av brot på ordensreglementet følgjer reglane i opplæringslova. I den grad avgjerda om å ileggje ein sanksjon reknast som eit enkeltvedtak følgjes sakshandsamingsreglane i forvaltningslova kap III – VI.

Avgjersler om følgjande sanksjonar skal alltid nedfellast i form av enkeltvedtak:

Bortvising

Ved alvorlege eller gjentekne brot på ordensreglementet, kan elevar på 1.-7. trinn visast bort frå undervisninga for enkelttimar eller for resten av dagen. Elevar på 8.-10. trinn kan visast bort frå undervisninga i inntil tre dagar, jf. opplæringslova § 9 A-11.

Rektor sjølv vedtek bortvising etter å ha rådført seg med lærarane til eleven. Før det vert gjort vedtak, skal eleven ha fått høve til å forklare seg munnleg og ein skal ha vurdert andre sanksjonar.

Føresette til elevane skal varslast før bortvising iverksetjast for resten av dagen på 1.-7. trinn, og før bortvising for heile dagar på 8.-10. trinn.

Aktivitetsplikt vedrørande det psykososiale miljøet

Når ein elev seier at skulemiljøet ikkje er trygt og godt, skal skulen så langt det finst eigna tiltak sørgje for at eleven får eit trygt og godt skulemiljø. Det same gjeld når ei undersøking viser at ein elev ikkje har eit trygt og godt skulemiljø, jf. opplæringslova § 9 A-4 og § 9 A-5.

Dersom ein elev ikkje har eit trygt og godt skulemiljø, kan eleven eller foreldra melde saka til Fylkesmannen etter at saka er teken opp med rektor, jf. opplæringslova § 9 A-6.

4 PROSEDYRAR FOR VEDLIKEHALD OG OPPFØLGING AV RUTINAR

Årshjul for vedlikehald og oppfølging av rutinar:

- **August:** Gjennomgang av ordensreglement, handlingsplan mot mobbing og andre krenkingar og handlingsplan for eit trygt og godt skulemiljø for elevar og personale
- **September:** Val av representantar til råd og utval (Innan 15.) Orientering om ordensreglement, handlingsplan mot mobbing og andre krenkingar og handlingsplan for eit trygt og godt skulemiljø til alle råd og utval
- **Oktober:** Varsling om eventuelle aktivitetsplanar i høve § 9 A (I FAU, SU og SMU)
- **Oktober/november:** Gjennomføring av elevundersøkinga
- **Desember:** Varsling om eventuelle aktivitetsplanar i høve § 9 A (I FAU, SU og SMU).
- **Januar/februar:** Evaluering av elevundersøkinga i alle råd og utval, med spesiell vekt på det psykososiale miljøet
- **Mars:** Varsling om eventuelle aktivitetsplanar i høve § 9 A (I FAU, SU og SMU)
- **Juni:** Varsling om eventuelle aktivitetsplanar i høve § 9 A (I FAU, SU og SMU)

5 IVERKSETJING

Denne forskrifta trer i kraft frå 14. mars 2011 etter godkjenning i SMU 06.02.2011.

Ordensreglementet skal gjerast kjent for elevar, foreldre/føresette og tilsette kvart år ved byrjinga av skuleåret. Reglementet er og tilgjengeleg på Oгна skule sine nettsider, www.ha.no/ogna-skule.